

'XARIA' LEGE ISLAMIKOA EZARRIKO DELA ETA, 35 LAGUN HIL DIRA MUSULMANEN ETA KRISTAUEN ARTEKO BORROKETAN

Gatazka erlijioso larria piztu da Nigeria iparraldean

■ Zamfara estatuan duela hilabete batzuk hartutako bideari segituz, *xaria* indarrean jarri nahi dute Kadunan

■ Milaka kristau kalera atera dira lege islamikoaren kontra, nahiz eta Kadunako agintariek haiei ez zaiela aplikatuko esan

■ Bake garaia gutxi dira Nigerian, kolonizatzaileen eraginaren ondorioz gatazka etniko eta erlijioso ugari izaten direlako

Agentziak / Lagos

NIGERIA iparraldeko Kaduna estatuan borroka handiak piztu dira kristauen eta musulmanen artean; gainera, liskarrak inguruko beste estatu batzuetara zabalduko diren beldurra sortu da.

Kadunako agintariek *xaria* (lege islamikoa) indarrean jartzeko asmoa agertu dute, eta ekimen horixe izan da gatazkaren pizgarria. Izan ere, gehiengoa islamista den arren kristau ugari bizi da eskualde horretan, eta ez dute inola ere onartzen *xaria* indarrean jartzea.

Ildo horretatik, astelehenean milaka kristau kalera atera ziren Kadunako izen bereko hiriburuan, gobernadorearen asmoaren kontra protestatzera. Aurreneko borrokak, haien manifestazioa eragotzi nahi izan zuen musulman taldeekin izan zituzten: Legebiltzarraren egoitzara bidean zihoazen manifestari kristauak eta musulmanek bidea moztu zieten suzko barrikadekin.

Kadunako irratiek zabal dutako informazioen arabera, makila, harri eta arma zuriekin eraso zioten elkarri kristau eta musulmanek. Halaber, su eman zieten dendak, eliza, meskita eta batzuen zein besteen bestelako etxeei. Lekukoek azaldu dutenez, jendea ere eman diote su.

Soldaduen laguntza

Borroka horien guztien ondorioz, gutxienez 25 lagun hil dira Nigeriako agintariek onartu dutenez. Baina oso litekeena da, azkenean, hildakoen kopurua askoz ere handiagoa izatea, lekukoek arabera, ugariak baitira oraindik kaleetan jaso gabe dauden hilotzak.

Istiluak astelehenean lehertu ziren, eta Kadunako Poliziak ezin izan zien behar bezala aurre egin eta era bateko kaosa hedatu zen hiri osoan. Ondorioz, Nigeriako Gobernuak tropa bereziak



PETER OBE / AP

Istiluak Nigerian, 1998ko uztailan. Gobernu militarren kontrako eta segurtasun indarren artekoak izan ziren orduko iskanbilak.

bidali ditu ordena ezar dezaten, baina alde bateko zein besteko manifestarien kontra tiro egiteaz gain, ezer gutxi egin zuten.

Nolanahi ere, atzoko eguna bezperakoa baino dezente lasaigoa izan zen hango irratien arabera. Kadunako Gobernuak oso arau zorrotzak ezarri ditu iskanbil sor dezakeen gertakari oro eragozteko. Hain zuzen ere, etxe-

Zigorrak

Xaria indarrean jartzeak jendearen eguneroko bizimodua arautzen duten hainbat lege zorrotz onartzea dakar. Nigerian Zamfara estatuan jarri zuten indarrean orain dela hilabete batzuk, eta haren arabera zigor batzuk ere aplikatu dituzte jada. Joan den astean, esate baterako, ehuna zigorkada jaso zituen neska-mutil bikote gazte batek ezkondu aurretik sexu harremanak izateagatik. Era berean, mozortzen den edonork 80 zigorkada jasotzeko arriskua du baldin eta harapatzen badute, eta motorzaleek espexeratuak izatekoa atzealdean emakumerik eramanez gero.

rako dei zorrotza jarri du indarrean, eta Kadunako sarrera eta irteera guztiak kontrolatuta daude.

Musulman zein kristauen buruzagi erlijiosoei beren jarraitzaileak lasaitzeko deia egin diete Nigeriako agintariek, baina hala ere, barrikadek zutik segitzen zuten atzo. Musulmanek esan dute *xaria* ez dietela aplikatuko kristauetara.

Kolonizatzaileen idazluma eta arkatzak

■ NIGERIA kolonizatzaileen idazlume eta arkatzek hala nahi izan zutelako sortu zela esaten dute, gainerakoan nortasun batasunik gabeko herrialdea dela, eta horren ondorio direla gaur egungo arazo ugariak. Izan ere, orain musulman eta kristauen

arteko borrokak sortu dira iparraldeko Kaduna estatuan *xaria* dela eta —gainera, ingurura zabaltzeko arriskua dago—, baina aurretik izan dira beste hainbat borroka: hausa eta yoruba etnien arteko istilu gorrorak, besteak beste.

Arazo guztiaren oi-

narrian arazo etnikoak daudela esan daiteke —hausak gehiengo dira iparraldean eta yoruba eta iboak hegoaldean—, baina beste zenbait arazorekin korapilatzen dira: hausen gehiengoa musulmana da eta yoruben artean, berriz, kristauak dira nagusi. Era

berean, iparraldea politikoki boteretsuagoa da, baina hegoalde gero eta aberatsagoa da ekonomikoki merkataritza oparoari eta petrolio putzuei esker.

Faktore horiek guztiak nahasten dira, beraz, Nigeriako gatazka korapilatsua. Gainera, duela hilabete ba-

tzuk arte erregimen militar zurrun baten menpe bizi ziren, baina orain, Olesegun Obasanjok lehendakari izan da agintea malgutu ostean, indar handiagoz azaleratu dira arazo horiek.

Xariaren inguruan oraindik gatazka handiak izatea espero da.